



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Priljena/Prodato Received/Delivered	09.06.2023	3	viti god year
Organ /Njesia Organ /Jedinica Org /Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKMSTDK	4660/2023		1.15



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.657/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e ankesave në përbërje nga: Malsore Gashi-Bajraktari -kryetar, Arben Mehmeti dhe Ardita Haxhnikaj-Demi-anëtarë, me Sabile Avdyli-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.657/2023 të datës 20.04.2023 të parashtruar nga ankuesja _____ përmes përfaqësuesit të autorizuar avokatit _____ kundër organit të punësimit/Komuna e Shtërpçës, në çështjen juridike “Masë disiplinore”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafin 3, nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, të mbajtur me datën 09.06.2023, mori këtë:

V E N D I M

I. Refuzohet si e pabazuar ankesa me numër A.nr.657/2023 e datës 20.04.2023, e parashtruar nga ankuesja _____

II. Mbetet në fuqi Vendimi me Nr.02-030/01-4116/23 i datës 04.04.2023, i Komisionit Disiplinor i Komunës së Shtërpçës.

A r s y e t i m

Komisioni Disiplinor në Komunën e Shtërpçës, pas pranimit të Vendimit me numër A.nr. 1312/2022 të datës 13.02.2023 nga Këshilli i Pavarur Mbikëqyrës për Shërbimin Civil të Kosovës, lidhur me rishqyrtimin dhe rivendosjen e rastit të ankueses me datën 04.04.2023 ka nxjerrë Vendimin Nr. 02-030/01-4116/23 sipas të cilit ankueses në fjalë i ka shqiptuar masën disiplinore “Ndalimin në pagë prej 20 , për një periudhë tre (3) mujore”.

Ankuesja e pakënaqur me Vendimin të datës 04.04.2023 me Nr.02-030/01-4116/23 të Komisionit Disiplinor në Komunën e Shtërpçës, me datën 20.04.2023 ka parashtruar ankesën me numër protokoll 3706/2023 të regjistruar nën shenjën A.nr.657/2023 në Këshillin e Pavarur Mbikëqyrës për Shërbimin Civil të Kosovës, me pretendimet ankimore për shkak të shkeljeve procedurale, vërtetimit jo të plotë të gjendjes faktike dhe zbatimit të gabuar të drejtës materiale, e njëjta po ashtu pretendon se komisioni disiplinor në mënyrë të kundërligjshme ka vepruar lidhur me shqiptimin e masës disiplinore në fjalë, kërkon që ti miratohet ankesa e parashtruar, të anulohet vendimi i komisionit në fjalë si dhe të rikthejë çështjen në rivlerësim.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, meqenëse i posedon të gjitha provat lidhur me çështjen Njoftimin e datës 07.04.2023 të dërguar nga Komuna e Shtërpçës.

Me datën 05.06.2023, Kryetari i Këshillit të Pavarur Mbikëqyrës për Shërbimin Civil të Kosovës, ka nxjerrë Vendimin VK/2023 sipas të cilit i është vazhduar afati ankesës së ankuseses edhe për dhjetë (10) ditë pune.

Kolegji për Shqyrtimin dhe Vendosjen e Ankesave me rastin e shqyrtimit të kësaj ankesë, ka administruar këto prova: Ankesën me numër protokoll 3706/2023 të datës 20.04.2023 në Këshillin e Pavarur Mbikëqyrës për Shërbimin Civil të Kosovës; Vendimi i datës 04.04.2023 me nr.02-030/01-4116/23 i Komisionit Disiplinor të Komunës së Shtërpçës; Ankesën me numër protokoll 8585/2022 të datës 29.12.2022 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Vendimi me nr. 07-030/01-15397/22 i datës 22.11.2022 i Komisionit Disiplinor të Komunës së Shtërpçës; Procesverbal i datës 25.11.2022 me nr.02-030101-15772/22 i seancës të Komisionit Disiplinor; Akt emërimi i datës 01.01.2012; Përshkrimi i detyrave të punës; Kërkesë për udhëheqësin e shërbimit për kuadra; Raporti mjekësor i datës 18.08.2022; Autorizim i datës 05.12.2022; Kërkesë për përgjigje në ankesë e datës 10.01.2023 me numër protokoll 121/2023; Përgjigje në ankesë e datës 20.01.2023 nga organi i punësimit me numër protokoll 622/2023 bashkë me shkresat e lëndës; Njoftimi për procedurën disiplinore të supozuar të datës 15.11.2022 me nr.07-030-01-15397/22; Kërkesë për informata të datës 31.10.2022 në Policinë e Kosovës dhe Përgjigje në kërkesë e datës 31.10.2022 me nr.07-941/01-14786/22 nga Drejtoria për Gjeodezi, Kadastër dhe pronë.

Kolegji për Shqyrtimin dhe Vendosjen e Ankesave pas shqyrtimit të të gjitha shkresave të lëndës të parashtruara nga palët në procedurë konstatoi se ankesa e ankuseses është e pabazuar, sepse:

Kolegji i Këshillit ka konstatuar në zbatim të Vendimit me numër A.nr.1312/2022 të datës 13.02.2023 të Këshillit të Pavarur Mbikëqyrës për Shërbimin Civil të Kosovës me të cilin e ka detyruar organin e punësimit respektivisht Komisionin Disiplinor në Komunën e Shtërpçës, ta rishqyrtoj rastin e ankuseses, dhe i njëjti me datën 04.04.2023 pasi ka rishqyrtuar lëndën

e ankueses ka nxjerrë Vendimin me Nr.02-030/01-4116/23, me te cilin ankueses i ka shqiptuar masën disiplinore "Ndalimin në pagë prej 20%, për një periudhë tre (3) mujore".

Tutje, Kolegji pasi ka shqyrtuar dhe analizuar Vendimin e datës 04.04.2023, të Komisionit Disiplinor të Komunës së Shtërpcës, ka konstatuar se ky komision ka vepruar në pajtim me dispozitat ligjore në fuqi, sepse me rastin e shqiptimit të masës disiplinore: "Ndalimin në pagë prej 20% , për një periudhë tre (3) mujore", ka marrë për bazë të gjitha faktet dhe provat që kanë shpjer deri tek ky vendim. Si rrjedhojë Kolegji pas analizimit të lëndës dhe fakteve të prezantuara si nga ankuesja ashtu edhe nga organi i punësimit lidhur me çështjen e cila është objekt i shqyrtimit të kësaj ankese, ka konstatuar se masa në fjalë e shqiptuar ndaj ankueses ka ardhur si rezultat i mos respektimit të dhënave faktike nga Rexhistrat Kadastral, me ç'rast ankesja është shpallur pergjegjese per shkelje te renda disiplinore sipas dispozitave ligjore te nenit 46 paragrafi 3 nenparagrafi 3.3 të Ligjit Nr.06/L-114 Për Zyrtarët Publik, ku percaktohet se moszbatimi i dispozitave ligjore për përmbushjen e detyrave funksionale'' konsiderohet shkelje e rëndë e detyrave të punës, gjegjësisht Komisioni Disiplinor ka konstatuar se me veprimet e saj ankuesja i ka shkaktuar dëme të konsiderueshme bashkëpronarit të parcelës kadastrale me nr.P-72717094-02658-0 të z.

Andaj Kolegji i Këshillit ka konstatuar se Komisioni Disiplinor në bazë të fakteve dhe provave ka vlerësuar se ankuesja fletën poseduese në emër të pronarit e ka lëshuar, nënshkruar dhe vulosur si pronar i vetëm në parcelen kadastrale nr. P-72717094-02658-0, me sipërfaqe 2674 m edhe pse në Librin Kadastral në parcelen e lartëcekur figurojn dy bashkëpronar. Andaj Kolegji konstaton se Komisioni Disiplinor me rastin e shqiptimit të masës disiplinore ka konstatuar se ekzistojn elementet e përgjegjësisë disiplinore duke ju referuar nenit 45 paragrafi 1 të Ligjit Nr.06/L-114 për Zyrtarët Publikë.

Po ashtu, Kolegji me qëllim të shqyrtimit të pretendimeve ankimore të ankuesit ka analizuar edhe dispozitat e nenit 45 të Nr.06/L-114 Për Zyrtarët Publik ku përcaktohet se: "Përgjegjësia disiplinore është moszbatimi apo zbatim jo i duhur i detyrave të punës dhe detyrimeve të tjera ligjore, që përmban elementet si në vijim: 1.1. "ekzistimin e veprimit të paligjshëm apo mosveprimit;" 1.2. kryerjen e veprimit me faj apo mosveprimit; 1.3. ndodhja e pasojës 1.4. ndodhja e dëmit; dhe 1.5. lidhjen shkakësore ndërmjet veprimit të kryer dhe pasojës/dëmit" si dhe nenit 50 i të njëjtit ligj ku përcaktohet se: "Për përcaktimin e masës disiplinore të zbatueshme, mbikëqyrësi i drejtpërdrejtë ose komisioni disiplinor bazohet në: 1.1. shkaqet, rrethanat e kryerjes së shkeljes, rëndësinë dhe pasojat e saj; 1.2. shkallën e fajësisë; 1.3. ekzistencën e masave të tjera disiplinore të mëparshme të pashlyera, sipas nenit 47 të këtij ligji; 1.4. përpjekjet e mëparshme të nëpunësit për shmangien apo kufizimin e dëmit. 2. Masat disiplinore jepen në raport të drejtë me shkeljen e kryer. 3. Për shkeljet e rënda, jepen masat disiplinore të përcaktuara në paragrafët 1.2 deri 1.4 të nenit 47 të këtij ligji. 4. Për shkeljet e lehta, jepen masat disiplinore të përcaktuara në paragrafin 1.1 të nenit 47 të këtij ligji. 5. Për çdo shkelje, jepet vetëm një masë disiplinore" dhe ka konstatuar se Komisioni Disiplinor, ankueses i ka shqiptuar masën në proporcion me përgjegjësinë disiplinore dhe me rastin e shkeljes së rëndë të detyrave të punës siç përcaktohet me nenin 47 paragrafin 1 nën paragrafin 1.2 të Ligjit Nr.06/L-114 Për Zyrtarët Publik ku thuhet se: "1. Masat disiplinore, të cilat mund të zbatohen ndaj nëpunësit civil, janë: 1.1. vërejtje; 1.2. ndalimi nga 20% deri në 40% e pagës për një periudhë deri në gjashtë muaj; 1.3. ndalimi i ngritjes në detyrë, duke përfshirë këtu

rritjen në shkallën e pagës për një periudhë nga dy deri 5 vjet; 1.4. largimi nga Shërbimi Civil” ndërlidhur me nenin 48 paragrafin 3 të Ligjit Nr.06/L-114 Për Zyrtarët Publik ku përcaktohet se: “Masat disiplinore të parashikuara në paragrafin 1.2 deri 1.4 të nenit 47 të këtij ligji, janë në kompetencën e komisionit disiplinor”, nga ku rrjedh se masa e tillë e shqiptuar ndaj ankueses nga ana e Komisionit Disiplinor të Komunës së Shtërpcës, është masë e shqiptuar në proporcion me shkeljen e kryer nga ankuesja në pajtim me nenin 45 paragrafin 1 të Ligjit Nr.06/L-114, për Zyrtarët Publik të Republikës së Kosovës, në të cilin decidivisht thuhet se: “1. Përgjegjësia disiplinore është moszbatimi apo zbatim jo i duhur i detyrave të punës dhe detyrimeve të tjera ligjore, që përmban elementet si në vijim: 1.1. “ekzistimin e veprimit të paligjshëm apo mosveprimit;” 1.2. kryerjen e veprimit me faj apo mosveprimit; 1.3. ndodhja e pasojës 1.4. ndodhja e dëmit; dhe 1.5. lidhjen shkakësore ndërmjet veprimit të kryer dhe pasojës/dëmit”, kështuqë në vlerësim të Kolegjit të Këshillit e njëjta është përgjegjëse lidhur me veprimet e saj me rastin e moszbatimit e dispozitave ligjore për përmbushjen e detyrave funksionale.

Bazuar në të lartcekurat e duke marrë parasysh të gjitha provat, Kolegji për Shqyrtimin dhe Vendosjen e Ankesave, ka konstatuar që ankuesja me veprimet e saj ka bërë shkelje të detyrave të punës të përcaktuara me Ligjin Nr.06/L-114 për Zyrtarët Publikë dhe aktet nënligjore për zbatimin e tij në fushën e disiplinës, për më tepër zyrtari publik në rastin konkret/ankuesja nuk i është përmbajtur detyrimit për respektimin e ligjit, siç parashihet me nenin 26 paragrafin 1 të Ligjit Nr.06/L-114 për Zyrtarët Publikë, i cili përcakton se: “1. Zyrtari publik ka detyrimin të veprojë në përputhje me urdhrat e marrë nga mbikëqyrësit e tij, sipas ligjit dhe rregullave të brendshme të institucionit”, si dhe sipas nenit 28 të këtij ligji: “Zyrtari publik gjatë punës së tij duhet të jetë i përgjegjshëm dhe gjatë ushtrimit të detyrës mban përgjegjësi të plotë sipas ligjit, për çdo veprim apo mosveprim të tij”.

Kështu që pas konstatimeve dhe vërtetimit të gjendjes faktike lidhur me ankesën e ankueses, Kolegji vlerëson se meqenëse e njëjta ka bërë shkelje të rëndë disiplinore, Komisioni Disiplinor i Komunës së Shtërpcës me rastin e shqiptimit të masës disiplinore “Ndalimin në pagë prej 20% , për një periudhë tre (3) mujore” ndaj ankueses ka vepruar në pajtim me dispozitat e Ligjit Nr.06/L-114 për Zyrtarët Publikë, Rregullores (QRK) Nr.11/2020 për Disiplinën dhe Ankesat e Zyrtarëve Publikë dhe Ligjit Nr.05/L-031 për Procedurën e Përgjithshme Administrative, ngase ka vërtetuar në mënyrë të drejtë gjendjen faktike andaj edhe ka vendosur që masën e shqiptuar ta lenë në fuqi.

Kolegji i Këshillit pas shqyrtimit dhe analizimit të të gjitha shkresave të lëndës si dhe duke u bazuar në nenin 6 paragrafin 1 nën paragrafin 1.1, nenin 16 paragrafin 3 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita



në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.657/2023

Sabile Aydyli
Sabile Aydyli
Zyrtare e lartë për bashkëpunim profesional

Malsore GASHI BAJRAKTARI
Malsore Gashi Bajraktari
Kryetare e Kolegjit



Vendimi i dorëzohet:

- *Avokatit,*
- *Ankueses,*
- *Udhëheqësit të Njesisë së Burimeve në Komunën e Shtërpcës dhe*
- *Arkivit të KPMSHCK-së.*

